

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 17, No. 798

原始資料: 蕭鎮國大德提供, 維習安大德提供之高麗藏 CD 經文, 曾國豐大德輸入, 北美某大德提供

## No. 798

### 佛說進學經

宋居士沮渠京聲譯

聞如是。一時佛遊舍衛祇樹之園須達精舍。大賢眾千二百五十人。佛告諸比丘。有四雅行。智者常遵。丈夫所修。達士恒奉。不才愚夫所不好樂。何等為四。孝事父母悅色養足。守仁行慈終始不殺。惠施濟乏未曾悞逆。遭值聖世捐榮履道。是四雅行。智者所遵。丈夫所修。達士所奉。不才愚夫所不好樂。佛時頌曰。

智者稱孝	愍命慈活	放施普給
超俗崇寂	如是正業	明士所習
聖見已具	定至無為	

佛告比丘。復有二法。若在閑宴。或處大眾。心行莫懈。一者靜寂賢聖默定。二者博學講論邃義。又有二施。飲食美味以安身命。敷散經典開微悅聽。食施安身。法施遷神。一事雖快法施為最。是以比丘。念演妙法宣慧莫癡。既自洗濯并淨塵著。如是道法永度無窮。乃名出家具足覺了。佛說經竟。比丘歡喜。作禮受教。

### 佛說進學經